

ՆԵՐՈՄԲՈՆՈՂԱԿԱՆՈՒԹՅՈՒՆԸ ՀՈՎՀԱՆՆԵՍ ԹՈՒՄԱՆՅԱՆԻ ԿՅԱՆՔՈՒՄ*

ՍՈՒՍԱՆՆԱ ՀՈՎՀԱՆՆԻՍՅԱՆ

Բանալի բառեր՝ Հովհ. Թումանյան, ներմբոնողականություն, կանխագագուտ, կանխատեսում, երազ, հոգեբանական ազդակներ, վերագայական ընկալումներ, երևակայություն, ստեղծագործական ներշնչանք, բնագույն:

Նախաբան

Ներմբոնողականությունը (այսուհետև նաև՝ ինտուիցիա), որպես մարդու գերբնական կամ ֆենոմենալ ունակություն, դասվում է բնագիտական ու հոգեբանական այն երևույթների շարքին, որոնց ուսումնասիրությունը դեռևս չի կարողացել հանգեցնել գիտական միանշանակ եզրակացությունների: Նույնը վերաբերում է մարդկային վերագայական այլ ընկալումներին ու գագուտություններին, որոնցից են ինտուիցիան և հեռագագուտությունը¹:

Տաղանդավոր մարդկանց հոգեբանական նկարագիրը կազմելու համար կարևոր է նաև նրանց՝ թե՛ կյանքում տեսած, թե՛ նրանց ստեղծագործություններում ներկայացվող երազների ուսումնասիրությունը, քանի որ դրանք արդեն այնպիսի ծավալների են հասել, որ առանց որևէ մեկին ճանաչելու, որոշ ժամանակահատվածում երազների կանոնավոր գրանցման միջոցով կազմում են նրա բավականաչափ հարուստ հոգեբանական նկարագիրը:

Հովհաննես Թումանյանի կյանքում և արվեստում թե՛ ինտուիցիան, թե՛ հեռագագուտությունն առավել ընդգծված են արտահայտվել: Դրանք ուղեկցել են նրան ամբողջ կյանքում և նաև դրսևորվել գեղարվեստական ստեղծագործություն մեջ:

Բանաստեղծը մարդու ինտուիտիվ և տրամաբանական տիպերի միաձույլ ներդաշնակություն էր: Նա օժտված էր և՛ ինտուիցիայով, և՛ վառ երևակայությամբ, և՛ բարձր զարգացած բանականությամբ, և՛ երևույթների գոյություն ու զարգացման ընդհանուր սկզբունքները թե՛ գգալու, թե՛ գիտակցելու ունակությամբ: Հենց սրանով է պայմանավորված, որ Թումանյանի հերոսները հաճախ են հայտնվում երազների առեղծվածային աշխարհում, տեսնում են կանխագուշակ երազներ, օժտված են ինտուիտիվ գագուտներով, երազում թե արթուն ապագայի մեջ թափանցելու, քնած ժամանակ հոգեկան ակտիվություն դրսևորելու կարողությամբ:

* Ներկայացվել է 25. I. 2022 թ., գրախոսվել է 28. I. 2022 թ., ընդունվել է տպագրության 02. V. 2022 թ.:

¹ Տե՛ս Ананьев. 1960, 336–348; Бодалев. 1995, 9–88; Хэнзел. 1970, 27–30; Лурья. 2006, 48–51.

Ենթագիտակցական երևույթների թումանյանական ընկալումը ներքնատեսությունն ու նախագուշակումը եղել են թումանյանի աշխարհընկալման և մարդկային հոգու կեցության, ճանաչողության էական բաղադրամասերը, նրա իմացության կարևոր միջոցներից: Բանաստեղծը կարողանում էր վերլուծել իր կուսհունակությունն ու նախագագացումները: Ենթագիտակցական երևույթների թումանյանական ընկալումը ծնվել էր ինչպես նրա աշխարհաճանաչողությունից, այնպես էլ՝ սեփական կենսափորձից: Թումանյանը հավատում էր մարդու հոգու խորքում թաքնված ուժերին, նրա ունակությունների և կարողությունների անսահման հնարավորություններին, միշտ վստահում էր իր ներքին ձայնին, որն օգնում էր նրան կողմնորոշվել կյանքի ամենաբարդ ու բեկումնային պահերին:

1913 թ. դեկտեմբերի 19-ին՝ Հայ գրողների ընկերության 23-րդ երեկույթին՝ Լեոյի «Տենդենցիան գրականության մեջ» թեմայով դասախոսության օրը, բանաստեղծը շուրջ ծավալված գրական ասուլիսում թումանյանն ընդգծել է ստեղծագործողի համար կանխագագացման կարևոր դերը: Նրա կարծիքով այն արվեստագետը, ով օժտված է կանխագիտությամբ ու միայն ժամանակի հուզող գաղափարներն է մերկապարանոց հանգստություն, ապա նա արվեստի փոխարեն «կեղծ ապրանք է ծախում, և ժամանակի արևի տակ նրա գույները կիսունանան»²:

1916 թ. դեկտեմբերի 30-ին Հայ գրողների կովկասյան ընկերության երեկույթում՝ Հ. Սուրխաթյանի «Ռուսահայ նորագույն բանաստեղծությունը» դասախոսությունից հետո, թումանյանը, դիմելով սկանակ բանաստեղծներին, ասել է. «Ամենից շատ և ամենից լավ բանաստեղծն ինքն է իրեն հասկանում և իր ներքին բնազդն ու ինտուիցիան է իր ամենատղիվ առաջնորդը»³:

1916 թ. օգոստոսին «Ֆաուստի» մասին իր խոհերն արտահայտելիս բանաստեղծն ասում է. «Ամեն բան մարդուն մատչելի է, կարող է, պետք է անել կամենալ: Որոշել նպատակը ու գնալ, գիտակից կյանքով ապրել: Առողջ լինել, խոր ինտուիցիա ունենալ, ամեն ինչ զգալ, իմանալ»⁴:

Թումանյանի ընկալմամբ՝ բանաստեղծական տաղանդին բնորոշ է «չունչը, սրբազան սարսուռը, դողը», իսկ էական հատկանիշներն են՝ «կանխատեսությունը, ինտուիցիան, երևակայությունը, հարմոնիայի զգացումը»⁵: Նրա խոսքերով՝ հենց այն պահերին է արվեստագետը հասուն լինում ստեղծագործական ոլորտների, երբ նրա մեջ «շարժվում են նրա ինտուիտիվ զգացմունքները»⁶: Բանաստեղծը վստահ էր, որ զգացմունքների՝ ոչ կանխամտածված, հանկարծակի փայլատակումը ստեղծագործողի «արարչական վիճակի» անհրաժեշտ բաղադրիչն է: Թումանյանն իր անավարտ հոգված-ուսումնասիրություններից մեկում՝ «Գրողի նամակներում», գրում է. «Աստծուց հետո միայն բանաստեղծն է, որ ստեղծում է: Այո՛, շատ ճիշտ է: Աստված և բանաստեղծն են ստեղծում ... Երկուսն էլ ստեղծում են ոչինչ բաներից մեծ բաներ, երկուսն էլ

² Թումանյան. 1995, 537:

³ Թումանյան. 1995, 302: Տե՛ս նաև «Հորիզոն» (Թիֆլիս), 13. I. 1917:

⁴ Թումանյան. 1987, 149:

⁵ Թումանյան. 1987, 179:

⁶ Թումանյան. 1987, 179:

ստեղծում են իրանց պատկերի նման, երկուսն էլ հայտնվում են իրանց ստեղծածի մեջ, թեև իրանց չես տեսնում ...

Բանաստեղծ-անհատն, իհարկե, անցավոր մարդ է. ես բանաստեղծություն ոգին եմ ասում – շրջում է այս ժողովրդի քառասյին կյանքի վրա և, անշուշտ, մի օր նա կասի իր արարչական խոսքը – թող լինի լույս – ու կլինի լույս (ընդգծումը մերն է – Ս. Հ.)»⁷:

Հարյուրամյակ անց նույն միտքն է արտահայտում հոգեբան Իզյասլավ Մորոզովը, ով իր «Ինտուիցիայի էությունը» աշխատության մեջ ստեղծագործող մտքի հատկանիշներ հռչակելով անմահությունը, տարածականությունը և մարմնավորման ձգտումը՝ գրում է. «Արարիչն ու մարդը ունեն հավասար արարչականություն՝ նաև գուտ բնագիտական չափանիշներով»⁸:

Թումանյանը ինտուիցիայի առկայությունը էր հիմնավորում ստեղծագործող մարդու առանձնահատուկ էությունը. արվեստագետի «տարօրինակ» լինելը մեկնում էր ներշնչանքի առկայությամբ. «Կան և տարօրինակ մարդիկ: Շատ սակավաթիվ մարդիկ, որոնք խոսում են ակամա, ազդված, ներշնչված»⁹: Մարդու ենթագիտակցական աշխարհը, ըստ նրա, կապվում էր տիեզերականի ու անհասանելիի հետ: «Բանաստեղծությունը ամենաանկեղծ արտահայտությունն է այդ անողորմ տիեզերական օրենքի»¹⁰, – ասում էր Թումանյանը: Նա մարգարեականությունն աղերսում էր նարեկացիական համամարդկային այն գերագույն նպատակի հետ, որին կարող էր ձգտել մարդը. «Ամենաբարձր բանը աստվածանալն է՝ բարձրանալ, խորանալ, ներշնչվել խոհերով ու զգացմունքներով և ստեղծագործել»¹¹: Թումանյանը կանխատեսելու ունակությունը պայմանավորում էր բնագրային զգացողությունների հետ. «Բնագրը մեծ բան է – ամենաէականն է, և առողջ բնագրը քչերին է տրված. շատերն են զգում, քչերն են կանխատեսում»¹²:

Բանաստեղծն այդ քչերից էր, և ներշնչանքն ու «առողջ բնագրը» դարձնում էր գեղարվեստական երկի գնահատման չափանիշ: Ստեղծագործական երկունքի պահը նա միշտ կապում էր ստեղծագործողի ներքին մղումի, ներշնչանքի ու ինտուիտիվ զգացումների հետ: Սակայն Թումանյանը վստահ էր, որ բնագրի հետ պետք է միշտ բանականություն լինի, հակառակ դեպքում արվեստի ճշմարիտ գործ չի ստեղծվի: Ժամանակակից գրականագիտական միտքը միանգամայն ճշգրիտ է համարում Թումանյանական այդպիսի մոտեցումը: Գրականագետ Զավեն Ավետիսյանը ստեղծագործողի հոգեբանությունը ներկայացնելիս նշում է. «Ենթագիտակցականը ... պահի մեջ նվաճում է այն, ինչ ընդունակ չէ անել տրամաբանությունը»¹³: Թումանյանը չափազանց կարևորում էր հարցը, թե գրողը ստեղծագործելիս ունեցե՞լ է արդյոք ինտուիտիվ զգացումներ, որը նա բնորոշում էր հայտնություն և պայծառատեսություն: Միայն բանականությամբ ստեղծված երկը նրա համար գեղարվեստ

⁷ Թումանյան. 1994, 410–411:

⁸ Морозов. 1990, 115.

⁹ Թումանյան. 1994, 408:

¹⁰ Թումանյան. 1994, 411:

¹¹ Թումանյան. 1987, 199:

¹² Թումանյան. 1994, 199:

¹³ Ավետիսյան. 1998, 80:

տական տեսանկյունից անարժեք էր, քանի որ «Ստեղծագործողը նախօրոք չի՛ մտածում, չի՛ ասում. հանկարծ է լինում, աննկատելի, ոչ նախամտածված»¹⁴։ Նույնիսկ այն, ինչ ինքն էր ստեղծում, ստորադասում էր իր զգացածին ու ապրումներին և խոստովանում էր. «Երազներս, մտքերս ավելի չքեղ են»¹⁵։

Թուամանյանն ուներ հարուստ գրադարան, որտեղ քիչ չէին փիլիսոփայական-հոգեբանական ուղղվածության գրքերը: Դրանց ուսումնասիրությունը նրան մղում էր էլ ավելի խոր թափանցել մարդկային հոգու առեղծվածների աշխարհը, հայտնաբերել բնության ու տիեզերքի գաղտնիքները, մարդու և բնության հարմոնիայի, հաճախ նաև՝ նույնության խորհուրդը, անտեսանելի տեսանելի դարձնել, ցուցադրել առեղծվածայինը: Բանաստեղծը մեծ ուշադրությունով ուսումնասիրել էր հատկապես Փրանսիացի փիլիսոփա Բերգսոն Անրիի գիրքը, որի մասին 1916 թ. հունվարի 17-ին Ն. Աղբալյանի հետ զրույցի ընթացքում ասել է. «Բերգսոնը շատ հետաքրքրական վերլուծություններ է անում. ստեղծագործական պրոցեսում էականը ինտուիցիան է»¹⁶: Ըստ Բերգսոնի՝ ինտուիցիան «ինտելեկտուալ համակրանքի»¹⁷ իմացություն է, իսկ ըստ Փրանսիացի փիլիսոփա Ռենե Դեկարտի՝ ամբողջական մտքի հանկարծակի նվաճում: Թուամանյանի համար՝ «Ամենաուժեղ բանը ինտուիցիան է, պայծառատեսությունը, հայտնությունը: Նա կայծակի թռիչք ունի վայրկենապես լուսավորում է, հրաբուխի ուժ կատաղի կերպով ժայթքում է»¹⁸:

Թուժմանյանը երազների մասին

Ինտուիտիվ զգացողությունների ընկալման ու մեկնություն փորձառութ-
յամբ պայմանավորված՝ Թումանյանը հաճախ էր խորհրդածում երազների
նշանակության մասին: Մասնավորապես, վատ երազները միշտ էլ ազդում
էին բանաստեղծի տրամադրության և վարքագծի վրա: Ոլորտի մասնագետ-
ների կարծիքով «ներքին ձայն» ասվածին ուշադրություն են դարձնում
միայն աշխարհի մարդկանց չնչին տոկոսը: Համաշխարհային մեծությունե-
րից Ա. Էյնշտեյնը, Թ. Էդիսոնը, Պ. Մարկոնը, Հ. Ֆորդը օժտված էին ինտուի-
ցիան ճիշտ օգտագործելու, ներքին ձայնին վստահելու ունակությամբ:
Համաշխարհային մշակույթի պատմության մեջ սակավաթիվ են այնպիսի
անհատները, որոնք իրենց ենթագիտակցական աշխարհի հետ մշտական կապ
են հաստատել ինտուիցիայի միջոցով: Թումանյանն այդ քչերից էր: Նա զար-
գացած ինտուիցիայով օժտված այն եզակիների շարքում էր, ովքեր բավա-
կան ուշադիր են թե՛ արտաքին և թե՛ ներքին հոգեբանական ազդակներին:

Թուամայանի ընկալումներում երազը, ները մշտնոգականությունն արվեստի դրսևորման հետաքրքիր ու բարձրագույն ձևերից էին, որոնք արդյունք էին գրողի ստեղծագործական ներշնչանքի: Բանաստեղծը գիտեր և արձանագրել է, որ երազներն ակնթարթային են ու դրանցից «բջերն են մնում մեր մտքում և մնացածներից էլ հազարից մեկն ենք հասկանում, էն էլ մոտավորա-

¹⁴ *Ibid.* 1987, 179:

¹⁵ Թոմաս Յանս. 1987, 78:

¹⁶ Թ ու մ ա ն յ ա ն . 1987, 134:

¹⁷ Թ ու մ ա ն յ ա ն . 1987, 134:

¹⁸ *Ibid.* 1987, 216:

պես»¹⁹։ Նա տգիտություն է համարում երազների նշանակությունն արհամարհելը կամ ներքին ձայնն անտեսելը. «Սովորաբար արհամարհում են էս պարզ ու իմաստուն երևույթները և ծիծաղում են տգիտորեն։ Համարում են սուտ ու անկարելի։ Այնինչ էս ամենը շատ պարզ ու հասարակ երևույթներ են։ Էնքան պարզ ու հասարակ, ինչպես աչքով տեսնելն ու ականջով լսելը»²⁰։ Թումանյանի ընկալումներում միայն հոգով առողջ և արթուն, մտքով ոչ կույր մարդը կարող է հասկանալ երազն ու իրականությունը, ընդ որում, երազին և կյանքին ոչ հասու մարդուն նա անվանում է՝ «Եթե կուզեք՝ ամենից ավելի հաճախ կույր»²¹։ Երազն ու նախազգացումը բանաստեղծի համար նույնքան իրական ու ճշմարիտ էին, որքան արդեն կատարված կամ կատարվող իրողությունը. «Երազ, թե իրոք—այդ միթե մի՞նչ է ... Կյանքը երազ է, երազն էլ մի կյանք ...»²²։ Երազը տարբերվում էր միայն նրանով, որ կապվում էր ժամանակային եռամիասնության երրորդ կողմի՝ գալիքի ու կատարելիի հետ։ Թումանյանը տարօրինակ ոչինչ չէր տեսնում, որ երազում հաճախադեպ են անսովորն ու անմեկնելի երևույթները, քանի որ այդպիսիք քիչ չեն նաև իրականության մեջ, որում կատարվող միանգամայն ակնհայտ երևույթները նույնպես անմատչելի են մարդուն։ Եվ քանի որ մարդը բանական արարած է, նա պետք է ձգտի հասնել անմեկնելիին։ Ելնելով նաև սեփական հոգեվերլուծությունից՝ Թումանյանը համոզված էր. «Բնազդի հետ միշտ բանականություն պիտի լինի»²³։

Թումանյանի ներմբռնողականության դրսևորումները, երազը բանաստեղծի կյանքում

Թումանյանագիտությունը վաղուց արձանագրել է ինտուիցիայի դերը բանաստեղծի կյանքում, թեև այդ թեմայով որևէ առանձին հոդված կամ ուսումնասիրություն չի գրվել։ Հետազոտելով բանաստեղծի ստեղծագործական լաբորատորիան՝ Զ. Ավետիսյանն արձանագրել է. «Թումանյանի ինտուիտիվ բռնկումները դրոշմվել են նրա ինքնագրերի վրա ... Կան գործեր, որ նա սկսել է գրել շատ հանգիստ, գեղեցիկ ձեռագրով, ապա ընդհատել է։ Որոշ ժամանակից հետո վրա է հասել կանխազգացումը, նա հապճեպ գրի է առել մտքի ակնթարթային թելադրանքը։ Գրել է և ապա նորից ընդհատել։ Միառժամանակ անց նույն թղթի վրա հանգիստ իմի է բերել և մշակել ինտուիտիվ բռնկմամբ հղացած բանաստեղծական պատկերը, տվել նրան վերջնական ձև»²⁴։

Կանխազգացում իր կյանքի և ժամանակի գրեթե բոլոր կարևոր դեպքերը՝ Թումանյանը որոշել էր ինքնակենսագրության մեջ հատուկ տեղ հատկացնել իր ինտուիցիային, հեռազգացությանն ու երազներին. «Երազ, նախազգացում — դրանք մեծ բաներ են և կարևոր։ Ինքնակենսագրության մեջ առան-

¹⁹ Թումանյան. 1999, 429:

²⁰ Թումանյան. 1999, 429:

²¹ Թումանյան. 1999, 430:

²² Թումանյան. 2019, 116:

²³ Թումանյան. 1987, 166:

²⁴ Ավետիսյան. 1973, 27:

ձին տեղ պիտի տամ իմ երազներին, նախազգացումներին»²⁵։ Գրողն ուզում էր ամենքին հայտնի դարձնել կյանքի արտասովոր իրավիճակներում հոգու պայծառատեսությունը բռնկման պահերը, երբ մարդը զգում է որևէ իրադարձության անխուսափելի ավարտը, վերահաս ճակատագրական աղետներն ու ողբերգությունը։

Թումանյանը գիտեր, որ կանխազգալու հատկությունը ժառանգել էր իր ծնողներից, հատկապես՝ մորից. «Իմ հերն ու մերը նախազգացումի, պայծառատեսության ու երազի զարմանալի ընդունակություն ունեին ...

Իսկ մերս մինչև օրս էլ ինձ զարմացնում է իր նախազգացումներով, իր պայծառատեսությամբ ու իր երազներով»²⁶։

Ինքնակենսագրական գրառումներում բանաստեղծը մտադիր էր հատուկ ուշադրության արժանացնել մոր երազներն ու կանխազգացումները. «Մորս երազ տեսնելու և նախազգացումի ընդունակությունը. օրինակներ (իմ հիվանդության ժամանակ և այլն)»²⁷։ Մեկ այլ առիթով ասել է. «Մայրս էլ էր զգայուն և ինձ պատահած դժբախտությունները զգացել է, պարզ տեսել»²⁸։

Տեղ թաղևոսի ընտանիքում թերևս ամենից շատ անդրանիկ որդին՝ Հովհաննեսն էր ժառանգել դեպքերը նախազգալու այդ հատկությունը։ «Երազը իմ կյանքում» գրառման մեջ Թումանյանը վկայում է. «Ձեռ սխալվիլ, եթե ասեմ իմ կյանքում մի որևէ դեպք չի պատահած, որ առաջուց նախազգացած ու նախատեսած չլինեմ։ Նախազգացած ու նախատեսած էլ որ ասում եմ, ասում եմ ոչ միայն արթուն ժամանակ, այլև քնած ժամանակ, երազում, այլաբանորեն, պատկերներով, խորհրդանշաններով (ընդգծումը մերն է – Ս. Հ.)»²⁹։ 1916 թ. մարտի 2-ին մանկավարժ Հեղինե Մելիք-Հայկազյանին ուղղված նամակում բանաստեղծը գրում է. «Բայց նա (մայրը – Ս. Հ.) մի հատկություն ունի, որ նրանից բան թաքցնել չի լինում։ Նախազգացում ասեմ, նախատեսություն, թե՞ պարզատեսություն. իր մոտիկներից որի հետ մի բան պատահի, որտեղ ուզում է լինի, նա արդեն վաղօրոք գիտի։ Երազի ձևով լինի, թե նախազգացումի – գիտի։ Ես էլ զուրկ չեմ եղ ընդունակությունից և վերջին բոլոր մեզ հասած դժբախտությունները ոչ միայն օր առաջ գիտեի, այլև մերոնց ասել էի, թե էսպես բան պետք է պատահի, մինչև անգամ որոշ կարգադրություններ էի արել։ Այժմ մայրս էլ հենց սպանելու օրից գիտի, որ Արտաշեսն»³⁰

²⁵ Թումանյան. 1987, 216:

²⁶ Թումանյան. 1999, 430:

²⁷ Թումանյան. 1999, 418:

²⁸ Թումանյան. 1987, 189:

²⁹ Թումանյան. 1999, 429:

³⁰ Արտաշեսը Հովհ. Թումանյանի կրտսեր եղբայրն էր (1892–1916), ով «Հեռոսաբար» գոհվեց 1916 թ. հունվարի 23-ին Բաթումի մոտ՝ Արախվեյի ռազմաճակատում, «Ճորոխի շրջանում թուրքերի դեմ կռվելիս» [տե՛ս «Հորիզոն», 27. I. 1916, 07. II. 1916, նաև՝ «Տարազ» (Թիֆլիս), 1916, թիւ 3, 45]: Թումանյանը եղբայրների հետ որոշում է 23-ամյա Արտաշեսին հուղարկավորել Թիֆլիսում և նրա մահը թաքցնել մի քանի ամիս առաջ որդեկորույս դարձած մորից, ով որդուն՝ 44-ամյա Ռոստոմի (1871–1915) սպանությունից հետո (1915 թ. սեպտեմբերի 16) դեռ ուշքի չէր եկել (Ռոստոմի սպանության մանրամասները տե՛ս Եղիազարյան. 2021, 231–263):

սպանված է, չարոհնակ պնդում է, ապացույցներ է պահանջում, որ ցույց տանք, թե կենդանի է, և շատ դժվար է լինում խաբելը»³¹:

Ինտուիտիվ զգացողությունների դերը Թումանյանի անձնական և ստեղծագործական կյանքում

Հայտնի է, որ Ներսիսյան դպրոցը չավարտած բանաստեղծը վիճում էր ժամանակի Հայտնի գիտնականների, եվրոպական համալսարաններն ավարտած մտավորականների հետ և հաղթում նրանց: Պ. Սևակն ասում էր. «Թումանյանն է մեր նոր ու նորագույն գրականության ամենախելոքը՝ բոլոր զարգացածների մեջ և ամենից ավելի ունակը՝ բոլոր ընդունակների մեջ ... տեսեք, թե ինչպես է բանավիճում Աճառյանի, Մառի, Աբեղյանի հետ և բանավիճում բազմաթիվ ուսյալ համալսարանավարտ անվանի գործիչների հետ՝ Արծրունուց մինչև Արասխանյան, Խալաթյանցից մինչև Մակինցյան (ընդգծումը մերն է – Ս. Հ.)»³²:

Թումանյանը համոզված էր, որ այդ բանավիճումներում, ինքնակրթությունից բացի, իր դերն ուներ նաև բնագրը: 1910 թ. հոգևածներից մեկում նա գրում է. «Միշտ մի ճշմարիտ, ուղիղ ու հզոր առաջնորդ եմ ունեցել – և դա եղել է իմ բնագրը. նա է ինձ հանել ու հովանավորել»³³:

Կարելի է հիշատակել գրողի՝ կյանքի դեպքերը կանխազգալու և պայծառատեսության բազմաթիվ օրինակներ, որոնք վկայում են մարգարեականության հատկանիշով բանաստեղծի օժտվածությունը:

Ընդ որում, գրողը նախազգացել է ոչ միայն իր և մերձավորների կյանքի դեպքերը, այլև հասարակության կյանքում տեղի ունեցող պատմական իրադարձությունները: Բանաստեղծը կանխազգացել էր 1905 թ. Ռուսական հեղափոխությունը, հայ-թաթարական ազգամիջյան կռիվները, 1915 թ. Մեծ եղեռնը, Անդրանիկի քաղաքական վեճերը, Պյատիգորսկից Թիֆլիս եկող գնացքի վթարի ենթարկվելը (1917 թ.) և այլն:

1905 թ. Թումանյանը Շուկավերում երազում տեսնում է, թե ինչպես է Ռուսաստանի տափաստանների վրա «երկինքը պատուվեց և արյուն ու վահր թափվեց, կարմրեց, սևացավ»³⁴: Բանաստեղծը եզրակացնում է, որ շուտով Ռուսաստանում հեղափոխություն կսկսվի, և այնքան վստահ էր երազի հիման վրա կատարած իր կուսումներում, որ նույնիսկ գրազ է գալիս. «Մյուս օրը ծանոթներիս հանդիպեցի: Ռուսաստանը կհաղթվի, տակնուվրա կլինի, հեղափոխություն կսկսվի և այն և այլն ... Չհավատացին, գրազ եկանք ... էդպես էլ եղավ»³⁵: Դերենիկ Դեմիրճյանը հավաստիացնում է, որ Թումանյանը կանխազգացել է 1905–1906 թթ. հայ-թաթարական բախումները. «Թումանյանը դեռ շատ վաղ, քան հայ-թաթարական կոտորածներն էին՝ անհանգիստ էր ... Դեռ այն ժամանակ, երբ ... ընդհարումների մասին ոչ ոք չէր մտածում, ան-

³¹ Թումանյան. 1999, 234:

³² Սևակ. 1974, 365:

³³ Թումանյան. 1994, 513–514:

³⁴ Թումանյան. 1987, 188:

³⁵ Թումանյան. 1987, 188:

գամ չէր կասկածում թումանյանը մտախռով հայացքը դարձնում էր այս խնդիրը»³⁶:

1908 թ. դեկտեմբերի 23-ին թումանյանի և նրա որդի Մուշեղի ձերբակալությունը զգացել է թե՛ ինքը՝ բանաստեղծը, թե՛ նրա մայրը: «Դաշնակցական գործի» ընթացքին դեռևս անտեղյակ բանաստեղծը նախազգուշ է գալիք վտանգը, իր բանտարկության օրն ու ժամը: Ըստ Լեոյի վկայության, դեկտեմբերի 23-ին՝ ձերբակալության օրը, բանաստեղծն իրենց տանը հրավիրված էր ճաշի: «Մի տխուր նախազգացում կար ... Մեր տանից Հովհաննեսը գնաց ուղղակի իրանց տունը և այդտեղ, մի քանի ժամ հազիվ անցած, գիշերամիջին նրան ձերբակալեցին»³⁷: Դեկտեմբերի 23-ին՝ այդ նույն օրը, թումանյանի մայրը վատ երազ է տեսնում: Եվ հաջորդ օրը՝ դեկտեմբերի 24-ի առավոտյան, գյուղից գալիս է քաղաք և ասում. «Թե տղիս վրա երազ եմ տեսել ու եկել, Օհաննեսս ո՞ւր ա ...

... Եվ նաև (թումանյանի մայրն է՝ Սոնան) պատմեց, թե երազիս տեսա թխականը իր ճուտերով մեր հողերի վրա գնաց, համա որձակը երկու ճուտերով ջգվեց, ներքի կուռը գնաց ... ասի, տղիս մի բանա պատահել, վեր կացա եկա»³⁸:

Մինչև համաշխարհային աղետի սկսելը՝ 1914 թ., բանաստեղծն արդեն կանխազգացել էր աշխարհացուցն աղետը և հայ ժողովրդին սպառնալից ողբերգությունը: Դուռը՝ Նվարդը, գրում է. «Ցագվերում տրամադրությունը լավ չէր. ներքուստ ինչ-որ տխուր ապրումներ ունեւր»³⁹: Այդ մասին հավաստիացնում է նաև ինքը՝ բանաստեղծը, «Կարելին և ցանկալին» հորվածում. «Թերևս ոմանք զարմանան, եթե ասեմ, որ պատերազմի նախընթաց ամիսներին ես էնքան պարզ էի զգում պատերազմը, որ հատուկ բանաստեղծություն ունեի, մինչև անգամ ուզում էի տպել «Նոր հոսանք» ամսագրում, բայց ինչ-ինչ պատճառներով անհարմար գտանք»⁴⁰: Թումանյանը մտովի այնքան պարզ է տեսել եղեռնի պատկերները, որ անիծել է աշխարհի հզորներին ու եղեռնի իրականացնողներին մինչ պատերազմի սանձազերծումը.

Հրացաններ են ճայթում սրտիս մեջ,
Հրացաններ են ճայթում անդադար,
Ու լաց են լինում սարսափած ու խեղճ
Որք երեխաներ անթիվ, անհամար ...

Ընդհանուր սուգ է ծավալվում անվերջ
Ու պաղ ունում է ժամանակը չար:
... Եվ ժամանակը լինի անիծված,
Եվ աշխարհքը լի չարով ու թույնով⁴¹:

³⁶ Թումանյանը ժամանակակիցների հուշերում (այսուհետ՝ ԹԺՀ). 2009, 31:

³⁷ ԹԺՀ. 2009, 65:

³⁸ Թումանյան. 1987, 90:

³⁹ Թումանյան. 1987, 114:

⁴⁰ Թումանյան. 1995, 466:

⁴¹ Թումանյան. 2018, 438:

Թումանյանի կանխազգացումներն ազդակ էին ստանում հաճախ արտաքին աշխարհից, հենվում էին պատմաքաղաքական դեպքերի քաղաքագիտական վերլուծությունների վրա, որոնք հեռատես բանաստեղծին ուղղորդում էին կանխատեսումների ճանապարհով: «Էսպեսով, – գրում է Թումանյանը, – ... ես ասել եմ էն, ինչ որ իմ կարծիքով ... պետությունների ու պատմական դեպքերի հարաբերություններից դատելով կարող էր պատահել ...»⁴²:

Իսկ 1915 թ. յուրաքանչյուր վայրկյան մտովի տեսնելով գալիքի սարսափելի պատկերները՝ նա զարհուրանքով գրում է. «Հրաշք պետք է լինի, որ առանց մեծ աղետների անցկացնենք»⁴³: Կնո՞ք՝ Օլգային, գրում է. «Ասում է՝ ահի տարին խաբարը շատ կլլի, մահի տարին՝ երազը: Քանի անգամ վատ երազներ եմ տեսել թե՛ ընդհանուր դրություն, թե՛ տղերանց վրա: Անցյալ գիշեր էլ երազում տեսա՝ մեր տունը կտրել էին: Մարդ ինչ որ մտածում է, էն էլ տեսնում է երազում: Բայց ճշմարիտ ու իմաստուն նախազգացումներ էլ կան, որ շատ են վախեցնում»⁴⁴:

1916 թ. ամռանը Թումանյանը կանխազգացել է գալիք հեղափոխությունը և դրան հաջորդող ազգային քաղաքական դրությունը, ինչպես նաև մեզ համար պատերազմի անբարենպաստ ընթացքը: Դեռևս 1916 թ. հունիսի 3-ին գրական գործիչ Տիգրան Հովհաննիսյանին ուղղված նամակում գրում է. «Մի այլիք, ինձ թվում է, դեռ պետք է գա էս ամառ ու զարկի, ով գիտի մինչև Կովկասի պատենչը»⁴⁵: Հայ թարգմանիչ, խմբագիր Երվանդ Թադևոսյանին ուղղված 1917 թ. հունիսի 15-ի նամակում էլ կարդում ենք. «Էն էլ շարունակ ինձ թվում է, թե որտեղ որ է՝ մեր աշխարհքը տակն ու վրա է լինելու ...»⁴⁶:

Թումանյանի՝ 1921 թ. Կ. Պոլիս մեկնելու օրերին նախընտրված էր և տեսնում և դարձյալ շտապում թիֆլիս, պատմում երազն ու խնդրում չգնալ՝ իր խոր ներքնատեսությամբ զգալով, որ որդու առողջության համար ճակատագրական է լինելու այդ ուղևորությունը: Սոնան անհանգստանում էր, որովհետև հավատում էր իր նեքին ձայնին. «Դու ծովի երեսը դուրս մի՛ գա, էն երկիրը մի՛ գնա ...»⁴⁷: Չանսալով ո՛չ իր, ո՛չ էլ մոր ներքին ձայնին բանաստեղծը մեկնում է Կ. Պոլիս և վերադառնում միանգամայն ուժասպառ ու անբուժելի հիվանդ: Կ. Պոլսից վերադառնալուց հետո նա բարձրաձայնել է իր կանխազգացման մասին: Թումանյանը նախօրոք է զգացել իր օրգանիզմում կատարվող ախտաբանական գործընթացները, նույնիսկ հիվանդության սկզբնավորման պահը. «Պոլսում դուշ ընդունելու ժամանակ զգացի, որ իմ ներսում ինչ-որ բան պատահեց, ինչ որ եղավ, էնտեղ եղավ»⁴⁸, – ասել է բանաստեղծը գրական գործիչ Ջալալ Տեր-Գրիգորյանին: Ամիսներ անց, երբ Թումանյանը հիվանդ պառկած էր, նաև գյուղից գալիս է տղային տեսնելու

⁴² Թումանյան. 1995, 466:

⁴³ Թումանյան. 1999, 267:

⁴⁴ Թումանյան. 1999, 269:

⁴⁵ Թումանյան. 1999, 240:

⁴⁶ Թումանյան. 1999, 262:

⁴⁷ Թումանյան. 1987, 247:

⁴⁸ ԹԺՀ. 2009, 415:

լուց առաջ նա իր շուրջը խմբված վիրաբույժներին՝ Մարկելիչին, Տեր-Ներսիսյանին, Չաչիկյանին, Սաղյանին և մի քանի այլ բժիշկների ու քույրերի առակ է պատմում. «Կացեք ձեզ մի առակ պատմեմ։ — Ասել է բանաստեղծը։

— Մի օր մոլլի էլը տանում են գեղամեջ՝ պոչը կտրելու ... մոլլի կնիկը թե՛ այ մոլլա, էշդ գեղամեջ տարան՝ պոչը կտրեն, հասի՛ ... Մոլլեն թե՛ ո՞վ տարավ. թե՛ գեղովի, մոլլեն թե՛ ա՛յ կնիկ, հանգիստ կաց, բան չեն անի, տանողը որ մեկը լինեն՝ պոչը կկտրեն, հիմա որ սաղ գեղն ա կտրելու՝ չեն կտրի. կտրելու ժամանակ մինը կասի՝ երկար կտրենք, մյուսը թե՛ կարճ, մեկը կասի՝ մկրատով, մյուսն էլ թե՛ դանակով, ու չեն կտրի ... Եվ ճիշտ որ չեն կտրում ...

Հիմի իմն է, հասարակության հիվանդ եմ դառել, էդքան որ եկել եք օպերացիա անելու, ով է իմանում, կտրելու՞ եք թե՛ չէ՞ ...»⁵⁴։

Մի քանի ժամ անց Թումանյանի կանխազգացումը իրականացվում է։ Երեք ու կես ժամ տեւած վիրահատության ընթացքում բժիշկները երկու անգամ խորհրդակցություն ունեցան՝ որոշելու համար ուռուցքը հեռացնեն՝ «կտրեն», թե՛ ոչ։ Ի վերջո որոշում են չկտրել։ Բժիշկների անհամարձակության պատճառներից մեկն էլ, ինչպես նկատել էր բանաստեղծը, իր «հասարակական հիվանդ» լինելն էր՝ գրողի հանրաճանաչ լինելու հանգամանքը, որը կաշկանդել էր բժիշկներին՝ առավել վճռական միջոցների դիմելու հարցում։ Բժիշկ Տեր-Ներսիսյանը նույնիսկ հրաժարվել էր Թումանյանին վիրահատելուց՝ վախենալով, որ «Հետագայում կասեին, թե՛ հայ բանաստեղծը բժշկի զոհ դարձավ»⁵⁵։ Իսկ վիրահատությունից հետո, թեև իրեն ֆիզիկապես ավելի լավ էր զգում, իսկ բնավորությամբ էլ՝ լավատես է, այնուամենայնիվ, միանգամայն հստակ զգում էր մոտալուտ մահը, զգում էր, որ «այժմ ավելի վտանգ կա»։ Արքեպիսկոպոս Մեսրոպ Տեր-Մովսիսյանին 1922 թ. օգոստոսի 29-ին բանաստեղծը գրում է. «Մահի հետ էլ եմ հաշտվել ...»⁵⁶ և այդ պատճառով ոչնչացնում է իր սևագիր ձեռագրերը՝ մտածելով, թե՛ «Վերջացնելու ժամանակ չեմ ունենալու, էնպես էլ չեմ ուզում մնան»⁵⁷։

1922 թ., երբ Թումանյանի հիվանդությունը դեռ ոչ ոք ճիշտ չէր արտորոշել և բժիշկների կարծիքով նրան եվրոպայում կարող էին բուժել, Թումանյանը երազում արդեն տեսնում է իր թաղումը։ Աչնանը բանաստեղծը դատերը՝ Աշխենին, պատմել է. «Իբրև ինձ թաղում են, ես էլ աչքերս բաց նայում եմ վերև. շատ մարդկանց գլուխներ եմ տեսնում, բայց պարզ միայն Աղայանին եմ տեսնում գլխիս վրա կախված և խորը հայացք գցած վրաս»⁵⁸։

1915 թ. ամռան վերջին էջմիածնում որբերին խնամելիս երազում տեսնում է եղբոր՝ Ռոստոմի մահը։ «Ահ ու դողով շարունակ սպասում էի մի փորձանքի», ⁵⁹ — գրում է Թումանյանը։ Առավոտյան հավատալով իր կանխազգացումներին ու երազին՝ վախեցած հեռագրում է եղբորը, զգուշացնում վերահաս վտանգի մասին, խնդրում անմիջապես հեռանալ Լոռուց և գալ Թիֆլիս։ Սակայն նույն օրերին նրան հասնում է եղբոր սպանության լուրը։ Ըստ

⁵⁴ Թումանյան. 1987, 255:

⁵⁵ Թումանյան. 1987, 255:

⁵⁶ Թումանյան. 1999, 428:

⁵⁷ Թումանյան. 1999, 428:

⁵⁸ Թումանյան. 1987, 190:

⁵⁹ Թումանյան. 1999, 230:

ամենայնի՝ Թումանյանը նրան հեռագրել էր սեպտեմբերի 14-ին կամ 15-ին, քանի որ Ռոստոմը սպանվել է սեպտեմբերի 16-ին՝ Թումանյանի հեռագիրը գրապանում⁶⁰:

Բանաստեղծը Թիֆլիսում նույն օրը, նույն պահին զգացել էր նաև հոր՝ Տեր-Թադևոսի մահը Դսեղում: 1898 թ. հունվարի 5-ին՝ Զրօրհնեքի երեկոյան, նա Թամամշյանների տանը ընթերցեց հանկարծ զգում է, որ հայրը մահացավ: Բանաստեղծը գրում է. «Տրամադրությունս վատացավ, տխրեցի, հյուրերը նկատեցին, հանգստացրին, բայց ոչինչ չօգնեց: Եկա տուն: Երեք օր հետո մարդ է գալիս գյուղից, թե հայրդ Զրօրհնեքի գիշերը մեռել է (հունվարի 5-ին)»⁶¹:

Վստահելով իր ներքին ձայնին՝ Թումանյանը գրեթե միշտ ճիշտ էր կողմնորոշվում անձնական և ազգային-հասարակական կյանքի ամենաբարդ ու բեկումնային պահերին: Այս իմաստով բացառություն չէր նաև Պետերբուրգի բանտը:

Դատապաշտպան Օ. Գրուզենբերգը 1912 թ. Պետերբուրգի բանտում ոչ մի կերպ իր անհանգստությունը չէր կարողանում հաղորդել բանաստեղծին: Թումանյանը ներքին համոզմունք ուներ, որ արդարանալու է⁶²: Ամենքին հորդորում էր՝ «Դուք հանգիստ եղեք», վստահեցնում՝ «Տրամադրությունս ... լավ է ու խաղաղ»⁶³: Այդ վստահությունն ուներ պատմահոգեբանական ազդակներ: Այն բխում էր ինչպես բանաստեղծի աշխարհայացքային մոտեցումներից, այնպես էլ ապագան կանխագագալու նրա ունակությունից և երազներին տված նշանակությունից: Բանտում նրա ենթագիտակցության պատկերային արտացոլումները օգնում էին հոգեկան առողջության ու հավասարակշռության պահպանմանը: Տեսած երազները, որոնց մեջ ամենից շատ երեխաներին էր տեսնում, օգնում էին բանաստեղծին հարմարվել բանտային կյանքի պայմաններին և ունեին հարմարվողական նշանակություն:

Թումանյանը նախազգացել էր ոչ միայն այն, որ իրեն արդարացնելու է ցարական դատարանը, այլև, որ իրեն պաշտպանելու է հենց դատախազը, ում կոչումը մեղադրելն էր. «Մնում է միայն մի բան, որ դատախազն էլ պաշտպանի ինձ»⁶⁴: Եվ, իրոք, դատախազ Վ. Սերգեևը 1912 թ. մարտի 10-ին արտասանած իր ճառում ոչ միայն Թումանյանին անպարտ է ճանաչում, այլև դրվատանքի ու նրա գործի հանդեպ հիացմունքի խոսքերով է դիմում բանաստեղծին. «Ինձ մնում է ասել՝ գնա փաթաթվիր քո սպիտակ դրոշակի մեջ և հանգիստ քնիր: Ես հրաժարվում եմ քեզանից»⁶⁵:

Գրողի հոգեկան ներքին խաղաղությունը հենվում էր նրա կանխազգացման և այն երազի վրա, որ նա տեսել էր բանտում, երբ հայրը՝ Տեր Թադևոսը, նրան լույս ճանապարհ էր ցույց տվել: Սովորաբար, երբ Թումանյանը երազում տեսնում էր հորը, լավ նշան էր համարում ու լավատեսությունը տրամադրվում: Բանտում մի գիշեր երազում տեսել էր, թե ինչպես հայրը կանգնած է

⁶⁰ Թումանյան. 1987, 191:

⁶¹ Թումանյան. 1987, 188:

⁶² ԹԺՀ. 2009, 639:

⁶³ Թումանյան. 1999, 141, 534:

⁶⁴ Թումանյան. 1999, 141, 534:

⁶⁵ ԹԺՀ. 2009, 644:

լույս և մութ աշխարհների ճամփաբաժանում: Նա մութ ճանապարհի վրա կանգնած որդուն առաջնորդել էր դեպի լույս ճանապարհ: Այդ երազից բանաստեղծն արթնացել է ավելի հանգիստ հոգեվիճակում, հուզական տեսակետից ավելի լիցքավթափված: Երազն ամրապնդել էր նրա հոգեբանական ինքնապաշտպանությունը. «Այդ երազը տեսնելուց հետո ավելի հանգստացա»⁶⁶:

1922 թ. աշնանը, արդեն մահամերձ վիճակում Թումանյանը երազում դարձյալ տեսնում է հորը՝ սև շորերով, բայց այս անգամ արդեն նա լույս ճանապարհ էի ցույց տալիս, այլ լույսային անցնում է որդու կողքով՝ ասես հիշեցնելով անցավոր կյանքից հեռանալու նրա հերթը: 1923 թ. Մոսկվայի հիվանդանոցում բանաստեղծն անվերջ տեսնում էր մահացած, մտերիմ, ծանոթ ու անծանոթ մարդկանց⁶⁷: Նվարդը գրում է, որ մահից երկու շաբաթ առաջ հիվանդանոցում առավոտյան թեյին հայրն ասել է. ««Սակավիկ մը, և ինձ չեք տեսնի», – Քրիստոսի վերջին խոսքերն են իր աշակերտներին: Նույնը ես հիմա ձեզ եմ ասում, երկու գիշեր է մնացել ձեզ հետ անցկացնելու, հետո կհեռանամ ձեզնից»⁶⁸:

1921 թ. փետրվարյան քաղաքացիական պատերազմի օրերին բանաստեղծը խաղաղասիրական առաքելությունը սահմանելով Երևան էր ուղևորվում: Ամենամեծ վտանգը ռազմաճակատի սահմանն անցնելն էր: Թումանյանը պատմում է. «Մի ֆրոնտից մյուսն անցկենալու ժամանակ ... ընկա երկու կողմից էլ հրացանային և պուլեմյոտային կրակի տակ – երկու անգամ, երկարատև-սաստիկ, և էսպեսով ձյունի միջով անցա մոտ տասը վերստ, մինչև գիշերվա կեսը մնացի դիրքերի առաջին ... Ես այժմ էլ չեմ հասկանում, թե ինչպես ազատվեցի էն կրակի տակից ու էնքան կարմիր գնդակների տարափի միջից: Բայց զարմանալին էն է, որ հենց նույնիսկ էն ռոպեններին՝ մի կողմից գլխարկս բարձրացրած ձեն էի տալիս, որ չարձակեն, մյուս կողմից մտածում էի, թե չեմ սպանվելու: Ասում էի՝ եթե սպանվելու լինեի՝ առաջուց նախազգացած կլինեի ... էսքան գնդակ է գալիս ինձ վրա, և ոչ մինը չի դիպել ...»⁶⁹:

Թումանյանի ինտուիտիվ ունակությունների անբաժան մասն էր նաև հեռագրացությունը (տելեպաթիա): Նա մտքերն ու երևույթները կարողանում էր ընկալել ու տեսնել հեռվից՝ տարածություն մեջ: Բանաստեղծն ուներ վեցերորդ զգայարան: Ինքնաճանաչման և իրականատեսությունների ներհայեցական մտազննության այդ միջոցի դերը Թումանյանի կյանքում առանձին ուսումնասիրության նյութ է: Նշենք միայն, որ 1911 թ.՝ Ղ. Աղայանի հանկարծամահ լինելու օրը, Թումանյանն իր գրասեղանի առջև նստած ընկերոջ մահվան նույն ակնթարթին չարագուշակ տեսիլքի պես միանգամայն պարզ ու հստակ տեսնում է Աղայանի վայր ընկնելն ու մահկանացուն կնքելը⁷⁰:

⁶⁶ Թումանյան. 1987, 190:

⁶⁷ Թումանյան. 1987, 191:

⁶⁸ Թումանյան. 1987, 305:

⁶⁹ Թումանյան. 1999, 379:

⁷⁰ Թումանյան. 1994, 360, նաև՝ Ղազարոս Աղայանը ժամանակակիցների հուշերում. 1967, 284, 388:

Գեղարվեստական պատկերները երազում

Թումանյանը նաև ստեղծագործում էր երազում կամ իր երկերը ստեղծում էր երազային պատկերների ազդեցությունների տակ, այնպես, ինչպես նշանավոր գիտնականներից ու արվեստագետներից ոմանք՝ Ժ. Լաֆոնտենը, Ա. Դանթեն, Ս. Ռաֆայելը, Մենդելեևը, Ս. Դալին, Վ. Ի. Սուրիկովը և այլ: Պահպանվել է մանկավարժ Տիգրան Փիրումյանի վկայությունը, ըստ որի՝ Թումանյանը գիշերները սովորություն ուներ անկողնուց վեր կենալ և հանկարծ միտքը եկած տողերը գրել: Նա հաճախ ոտանավորով խոսում էր նաև երազում ու արթնանալիս գրի էր անցկացնում: Այդպես է ստեղծվել «Մեհրի» պոեմի մի հատվածը⁷¹:

Թումանյանը կարող էր երազում գտնել ամիսներով որոնվող բառն ու արտահայտությունը, միտքը շարունակ տանջող երևույթների և ապրումների համապատասխան ձևը: Նրա աշխատասենյակում երբեմն որպես մահճակալ ծառայող թախտի կողքին կախված էր քառյակների արկղը: Կյանքի վերջին տարիներին քառյակներ գրելիս նա դրանք դնում էր այդ արկղի մեջ: Մի գիշեր նա երազից հետո երկու անգամ արթնանում է և առանց լամպը վառելու գրում է երկու քառյակ: Երկրորդ անգամ արթնանալիս չի նկատում, որ նույն թղթի վրա է գրել և, ցավոք, այդ երկու քառյակներն էլ այսօր անընթեռնելի են:

Բանաստեղծն իր տեսած «գունավոր» երազների, ենթագիտակցական աշխարհում ապրած զգացումների և ընկալումների նշանակությունը համազորել ու հավասարեցրել էր կյանքի իմաստին ու արժեքին. «Ես էնքան չքեղ ու թանկ երազներ եմ տեսել, որ ամեն մի՛նը ինձ համար մի գեղեցիկ կյանք արժի ...»⁷²: Բանաստեղծը, ինչպես յուրաքանչյուր անհատ, իրականության մեջ որոնում ու չէր գտնում իր գունավոր երազները, և իրականության ու երազի՝ հաճախ աններդաշնակ գոյության ու դրանից ծնված մարդկային հոգու դրամայի մասին պատմում էր նաև զավակներին: Դստեր՝ Անուշի այբումում բանաստեղծը գրում է.

Երազեցի շարունակ
Իմ կյանքի մեջ ես մանկուց,
Ու մընացի միշտ մենակ
Պատրանքի մեջ՝ ես մանկուց:

Ես չըգտա ոչ մեկին
Երազներից իմ շըքեղ,
Եվ ոչ մի մարդ, ոչ մի կին՝
Հերոսներից իմ շըքեղ⁷³:

Եզրակացություն

Արվեստի երկերի ստեղծումը զուգադրելով աստվածային արարչագործության հետ, «բանաստեղծության ոգին», ներշնչանքը, ինտուիտիվ զգացումները

⁷¹ ԹԺՀ. 2009, 345:

⁷² ԹԺՀ. 2009, 189:

⁷³ Թ ու մ ա ն յ ա ն. 2018, 309:

կապելով վերերկրային երևույթներին՝ Հովհ. Թումանյանն այսօր կանգնում է ոլորտի խնդիրներով զբաղվող ժամանակակից գիտնականների կողքին: Նրան մատչելի էին խորհրդավոր աշխարհի բարդ զգացողությունները, որոնց շնորհիվ հասու էր սովորական մարդու համար անտեսանելի ճշմարտությունների: Բոլոր ժամանակների և մարդու հավերժական ապրումներն արտահայտող բանաստեղծի թե՛ կյանքը, թե՛ նրա հոգեկան ու նաև գեղարվեստական աշխարհը պարունակում է բազմազան շերտեր՝ որոնք պայմանավորված են ենթագիտակցական զգացողություններից եկող ազդակներով, որոնք դեռ բացահայտելու են գիտնական հետազոտողներն ու, մասնավորապես, հոգեբանները:

Սուսաննա Հովհաննիսյան – Բ. Գ. Դ., ՀՀ ԳԱԱ Մ. Աբեղյանի անվան գրականության ինստիտուտի հայ հին գրականության բաժնի առաջատար գիտաշխատող: Գիտական հետաքրքրությունները՝ հայ մշակույթի և հայ դասական գրականության պատմություն, թումանյանագիտություն: Հեղինակ է 15 մենագրության և շուրջ 300 հոդվածների ու հրապարակումների: sushovh@mail.ru

ԳՐԱԿԱՆՈՒԹՅՈՒՆ

Ավետիսյան Զ. 1973, Թումանյանի ստեղծագործական լաբորատորիան, Երևան, ՀՍՍՀ ԳԱ հրատ., 211 էջ:

Ավետիսյան Զ. 1998, Գրականության տեսություն, դասագիրք, Երևան, Նաիրի, 224 էջ:

Եղիազարյան Վ. 2021, Հովհաննես Թումանյանը և նրա եղբայր Ռոստոմի սպանության առեղծվածը, Երևան, «ՎՄՎ-ՊՐԻՆՏ» հրատ., 312 էջ:

Թումանյանը ժամանակակիցների հուշերում. 2009, Երևան, «Էդիթ Պրինտ» հրատ., 1004 էջ:

Թումանյան Հովհ. 1994, Երկերի լիակատար ժողովածու տասը հատորով, հ. 6. Քննադատություն և հրապարակախոսություն 1887–1912, Երևան, ՀՀ ԳԱԱ «Գիտություն» հրատ., 672 էջ:

Թումանյան Հովհ. 1995, Երկերի լիակատար ժողովածու տասը հատորով, հ. 7. Քննադատություն և հրապարակախոսություն 1913–1922, Երևան, ՀՀ ԳԱԱ «Գիտություն» հրատ., 721 էջ:

Թումանյան Հովհ. 1997, Երկերի լիակատար ժողովածու տասը հատորով, հ. 9. Նամակներ 1885–1904, Երևան, ՀՀ ԳԱԱ «Գիտություն» հրատ., 707 էջ:

Թումանյան Հովհ. 1999, Երկերի լիակատար ժողովածու տասը հատորով, հ. 8. Ուսումնասիրություններ, օրագրեր և այլ նյութեր, Երևան, ՀՀ ԳԱԱ «Գիտություն» հրատ., 712 էջ:

Թումանյան Հովհ. 1999, Երկերի լիակատար ժողովածու տասը հատորով, հ. 10. Նամակներ 1905–1922, Երևան, ՀՀ ԳԱԱ «Գիտություն» հրատ., 711 էջ:

Թումանյան Հովհ. 2018, Երկերի լիակատար ժողովածու տասը հատորով, հ. 1. Բանաստեղծություններ, Երևան, «Բեկոր-հրատ.», 786 էջ:

Թումանյան Հովհ. 2019, Երկերի լիակատար ժողովածու տասը հատորով, հ. 3. Պոեմներ, Երևան, «Բեկոր-հրատ.», 584 էջ:

- Թումանյան Ն. 1987, Հուշեր և զրույցներ, Երևան, «Լույս» հրատ., 335 էջ:
 «Հորիզոն» (Թիֆլիս), 27. I. 1916, 07. II. 1916, 13. I. 1917:
 Ղազարոս Աղայանը ժամանակակիցների հուշերում. 1967, Երևան, ՀՀ ԳԱԱ հրատ., 529 էջ:
 Սևակ Պ. 1974, Երկերի ժողովածու 6 հատորով, հ. 5, Երևան, «Հայաստան» հրատ., 416 էջ:
 «Տարազ» (Թիֆլիս), 1916, թիւ 3:
 Ананьев Б. Г. 1960, Психология чувственного познания. М., Изд-во АПН РСФСР, 485 с.
 Бодалев А. А. 1995, Личность и общение. М., «Педагогика», 328 с.
 Хэнзел Ч. 1970, Парапсихология. М., «Мир», 321 с.
 Лурия А. Р. 2006, Лекции по общей психологии (серия «Мастера психологии»). СПб., «Питер», 320 с.
 Морозов И. М. 1990, Природа интуиции. Минск, Изд-во Университетское, 141 с.

ИНТУИЦИЯ В ЖИЗНИ ОВАНЕСА ТУМАНЯНА

СУСАННА ОВАНЕСЯН

Резюме

Ключевые слова: Ов. Туманян, интуиция, предчувствие, предвидение, сон, психологические сигналы, сверхчувственные восприятия, воображение, творческое вдохновение, инстинкт.

Ованес Туманян был в значительной степени наделен интуитивным восприятием причинно-следственных связей явлений и реалий. Ему были доступны сложные ощущения подсознательного мира, благодаря чему интуиция и предвидение стали существенными составляющими мировоззрения и миропонимания поэта, важными средствами познания мира.

Поэт всегда связывал момент творческой концентрации с внутренним побуждением, вдохновением и интуитивным чувством. Туманян был убежден, что разум всегда должен быть связан с инстинктом, иначе не будет создано истинное произведение искусства. Восприятие Туманяном феноменов подсознания родилось из собственного жизненного опыта.

Туманян воспринимал интуицию, предчувствие, предвидение, воображение, чувство гармонии как неотъемлемые свойства таланта. Он всегда связывал момент творческой концентрации с внутренним побуждением, вдохновением и интуитивным чувством автора.

Проявлениями пророческих способностей поэта были не только предвидения событий в жизни его близких, но и исторических событий, происходящих в жизни общества. Туманян предсказал русскую революцию 1905 г., армяно-татарские межэтнические столкновения, Геноцид 1915 г.,

политические споры генерала Андраника, крушение поезда, следовавшего из Пятигорска в Тбилиси (1917 г.) и др.

Ов. Туманян мог творить под непосредственным воздействием сна, мог найти во сне искомые месяцами слова и выражения, соответствующие способы для выражения мыслей, явлений и переживаний. Изучение сновидений поэта, его пророчеств, проявлений интуиции позволяет глубже раскрыть как его подсознательный мир, так и его психологическую характеристику.

Сусанна Ованесян – д. филол. н., ведущий научный сотрудник отдела древней армянской литературы Института литературы им. М. Абесяна НАН РА. Научные интересы: история армянской культуры и армянской классической литературы, туманяноведение. Автор 15 монографий и около 300 статей и публикаций. sushovh@mail.ru

INTUITION IN HOVHANNES TUMANYAN'S LIFE

SUSANNA HOVHANNISYAN

Summary

Key words: Hovh. Tumanyan, intuition, foresight, sleep, psychological signals, extrasensory perception, creative inspiration, instinct.

Hovhannes Tumanyan was largely endowed with an intuitive perception of the cause-and-effect relationships of phenomena and realities, as well as telepathic abilities. Complex sensations of the subconscious world were available to him, thanks to which intuition and foresight became essential components of the poet's worldview and world perception, became important means of knowing the world.

The poet always associated the moment of creative concentration with inner motivation, inspiration and intuitive feeling. Tumanyan was convinced that reason must always be connected with instinct, otherwise a true work of art would not be created. Tumanyan's perception of the phenomena of the subconscious was born from the poet's own life experience.

Tumanyan perceived intuition, foreboding, foresight, imagination, a sense of harmony as integral properties of talent. He always associated the moment of creative concentration with the inner motivation, inspiration and intuitive feeling of the author.

The manifestations of prophetic abilities are not only events in the life of his loved ones, but also foresight, prediction of historical events taking place in the life of society. Tumanyan predicted the Russian Revolution of 1905, the Armenian-Tatar inter-ethnic clashes, the Genocide of 1915, the political disputes of General Andranik, the train wreck from Pyatigorsk to Tiflis (1917), etc.

Tumanyan could create under the direct influence of sleep, could find in a dream the words and expressions he had been looking for months, the appropriate ways to express thoughts, phenomena and experiences. The study of the poet's dreams, his prophecies, manifestations of intuition allows to reveal more deeply both his subconscious world and his psychological characteristics.

Susanna Hovhannisyan – Doctor of Sciences in Philology, Leading Researcher at the Department of Ancient Armenian Literature of the NAS RA Institute of Literature after M. Abeghyan. Scientific interests: history of Armenian culture and classical Armenian literature, Tumanyan studies. Author of 13 monographs and over 200 scientific articles and publications. sushovh@mail.ru